



PERBENDAHARAAN NEGERI SELANGOR
SELANGOR STATE TREASURY
Tingkat 2, 8-12
Bangunan Sultan Salahuddin Abdul Aziz Shah
40592 SHAH ALAM
SELANGOR DARUL EHSAN
MALAYSIA

No. Tel : 603-5544 7000
No. Faks : 603-5510 6255 (YB. PWN)
603-5544 7297 (TPWN)
603-5512 1054 (BN)
603-5521 2533 (BKP)
Laman Web : <http://pwn.selangor.gov.my>
E-mel : pwn_helpdesk@selangor.gov.my



#KitaSelangor

Ruj Kami : PWN.SEL.600-5/3/6 (42)
Tarikh : 7 Jumadal Akhirah 1446H
9 Disember 2024

Semua Ketua Jabatan Negeri
Semua Ketua Pusat Tanggungjawab Negeri

YB Dato' Seri / YB Dato' / Y.Bhg. Dato' / YAA Dato' / SS Dato' / Tuan / Puan,

ARAHAN OPERASI BENDAHARI NEGERI SELANGOR BILANGAN 7 TAHUN 2024: PELAKSANAAN PEMBAYARAN BANTUAN KHAS KEWANGAN KALI KEDUA DAN KALI KETIGA TAHUN 2024 PENTADBIRAN SETIAUSAHA KERAJAAN NEGERI SELANGOR

Dengan hormatnya saya merujuk kepada perkara di atas.

2. Dimaklumkan merujuk kepada keputusan Majlis Mesyuarat Kerajaan Negeri (MMKN) ke-31/2024 yang disahkan pada MMKN ke-32/2024 telah bersetuju meluluskan pemberian Bantuan Khas Kewangan (BKK) Kali Kedua dan Kali Ketiga sebanyak satu (1) bulan gaji, minimum RM1,000.00 kepada semua pegawai yang sedang berkhidmat di Pentadbiran Kerajaan Negeri Selangor. **Tarikh pembayaran adalah pada 30 Disember 2024 (Isnin) dan 25 Mac 2025 (Selasa).**

3. Sehubungan itu Surat Arah Operasi ini adalah bertujuan memaklumkan persediaan pembayaran pemberian Bantuan Khas Kewangan (BKK) kepada anggota yang layak di Jabatan/Pusat Tanggungjawab (PTJ) masing-masing. Bersama-sama ini disertakan arahan ringkas pembayaran pemberian Bantuan Khas Kewangan (BKK) seperti di Lampiran untuk rujukan dan tindakan selanjutnya.

Sekian, terima kasih.

"#KITASELANGOR MAJU BERSAMA"
"MALAYSIA MADANI"
"BERKHIDMAT UNTUK NEGARA"

Saya yang menjalankan amanah,

(MOHD SABREE BIN YAAKUB) c.A(M)
Bendahari Negeri
Selangor Darul Ehsan

ARAHAN OPERASI BENDAHARI NEGERI SELANGOR BILANGAN 7 TAHUN 2024: PELAKSANAAN PEMBAYARAN BANTUAN KHAS KEWANGAN KALI KEDUA DAN KALI KETIGA TAHUN 2024 PENTADBIRAN SETIAUSAHA KERAJAAN NEGERI SELANGOR

1. Pembayaran Bantuan Khas Kewangan (BKK) ini perlu dilaksanakan berdasarkan Garis Panduan Pembayaran Bantuan Khas Kewangan Kali Kedua Dan Kali Ketiga Tahun 2024 Pentadbiran Setiausaha Kerajaan Negeri Selangor yang dikeluarkan oleh Pejabat Setiausaha Kerajaan, Negeri Selangor Darul Ehsan.
2. Pembayaran Bantuan Khas Kewangan (BKK) ini perlu dilaksanakan oleh Jabatan/PTJ mengikut langkah-langkah seperti berikut bagi pembayaran melalui sistem gaji berkomputer:
 - 2.1. Cetak laporan G004 (Senarai Edit Pembayaran Bonus) melalui skrin Laporan.
 - 2.2. Kemaskini laporan G004 berkenaan dengan memotong nama pegawai yang tidak layak dan pindaan apa-apa amaun yang perlu dilaraskan mengikut kelayakan pegawai sepertimana Garis Panduan Pemberian Bantuan Khas Kewangan, Pentadbiran Setiausaha Kerajaan Negeri Selangor.
 - 2.3. Jabatan/PTJ dikehendaki mengedit maklumat di laporan ke dalam sistem iSPEKS. Bagi kakitangan yang tidak layak hendaklah **DIBATALKAN**. Penyedia dan Penyemak di Jabatan/PTJ hendaklah memastikan tiada nama yang tertinggal untuk mengelakkan proses seterusnya gagal dilakukan.
 - 2.4. Hantar laporan yang telah dikemaskini seperti arahan di Para 2.2 dan perlu disahkan oleh Ketua Jabatan seperti kenyataan berikut dan dihantar ke Unit Emolumen, Pejabat Bendahari Negeri Selangor.

“Disahkan bahawa semua maklumat dan pembetulan yang di buat adalah betul dan tepat. Jabatan/PTJ ini bertanggungjawab untuk mendapatkan semula apa-apa bayaran balik sekiranya didapati terdapat bayaran terlebih dilakukan”.

.....
(Tandatangan & Cop Jabatan)

3. Semua Jabatan/PTJ hendaklah memastikan tindakan di atas dibuat dan laporan yang telah disemak dan disahkan di hantar ke Unit Emolumen, Pejabat Bendahari Negeri selewat-lewatnya pada **17 Disember 2024 (Selasa)** bagi BKK Kedua 2024 dan **13 Mac 2025 (Khamis)** bagi BKK Ketiga 2024 sebelum jam 12.00 tengahari.

ARAHAN OPERASI BENDAHARI NEGERI SELANGOR BILANGAN 7 TAHUN 2024: PELAKSANAAN PEMBAYARAN BANTUAN KHAS KEWANGAN KALI KEDUA DAN KALI KETIGA TAHUN 2024 PENTADBIRAN SETIAUSAHA KERAJAAN NEGERI SELANGOR

4. Bagi pembayaran secara Baucar Bayaran Berasingan, penyata pengiraan bayaran serta dokumen lain berkaitan hendaklah disertakan sebagai dokumen sokongan bersama baucar bayaran tersebut.

- i. Penyediaan Baucar Bayaran Berasingan bagi BKK Kedua 2024 hendaklah disediakan mulai **19 Disember 2024. Tarikh meluluskan baucar ditetapkan mulai 24 Disember 2024.**

Perihal Bayaran hendaklah dimulai dengan : BKK 2/2024

- ii. Penyediaan Baucar Bayaran Berasingan bagi BKK Ketiga 2024 hendaklah disediakan mulai **17 Mac 2025. Tarikh meluluskan baucar ditetapkan mulai 20 Mac 2025.**

Perihal Bayaran hendaklah dimulai dengan : BKK 3/2024

Bagi bayaran yang menggunakan Dana Akaun Amanah, perlu nyatakan Kod Dana (cth: LXXX) di ruangan No. Rujukan di Maklumat Daftar Bil, Arahkan Pembayaran.

5. Jabatan/PTJ hendaklah memastikan kakitangan yang tidak layak dikeluarkan dari senarai pembayaran. **Proses penahanan pembayaran Bantuan Khas Kewangan di bank tidak akan dilaksanakan.**
6. Pengecualian Cukai Pendapatan ke atas Bantuan Khas Kewangan Tahun 2024 kepada Perkhidmatan Awam Negeri. (Rujuk surat Pentadbiran ini PWN.SEL.600-3/1/9 Jld.4 (10) bertarikh 10 Julai 2024)
- i. Merujuk surat Kementerian Kewangan Malaysia rujukan MOF.TAX(S)700-3/1/809(3) bertarikh 9 April 2024 berkenaan Pengecualian Cukai Pendapatan Ke Atas Bantuan Khas Kewangan (BKK) Tahun 2024 kepada Perkhidmatan Awam Negeri yang dibayar dalam tahun 2024.
- ii. Pengecualian cukai pendapatan ke atas BKK yang diberikan adalah terhad kepada jumlah bayaran BKK sehingga RM2,000 sahaja. Bayaran BKK yang selebihnya adalah tertakluk kepada cukai pendapatan.

ARAHAN OPERASI BENDAHARI NEGERI SELANGOR BILANGAN 7 TAHUN 2024: PELAKSANAAN PEMBAYARAN BANTUAN KHAS KEWANGAN KALI KEDUA DAN KALI KETIGA TAHUN 2024 PENTADBIRAN SETIAUSAHA KERAJAAN NEGERI SELANGOR

- iii. Untuk makluman, bayaran BKK yang diproses melalui Modul Gaji telah ditetapkan di iSPEKS sebagai pendapatan yang tidak dikenakan cukai dan dibayar tanpa potongan cukai. Sehubungan dengan itu, keseluruhan amaun bayaran BKK akan dilaporkan sebagai pendapatan yang tidak dikenakan cukai pada Laporan Penyata Pendapatan Tahunan individu.
- iv. Selaras dengan surat Kementerian Kewangan Malaysia adalah menjadi kewajipan dan tanggungjawab setiap pegawai untuk mengisytiharkan lebihan BKK sebagai pendapatan bercukai dalam pengiraan cukai.
- v. Jabatan/PTJ hendaklah memaklumkan berhubung perkara ini kepada semua pegawai.